

docsriver 文川网
入驻商家 古籍书城

在文川网搜索古籍书城 获取更多电子书

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華北地方·第二四二號

據 未著 纂修人 姓氏
民國燕京大學圖書館鉛印本
影印

陝西 省

朝邑縣鄉土志



成文出版社有限公司印行



中華民國五十八年 月壹一版

朝邑縣鄉土志

全一册

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號


印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

朝邑縣境全圖

縣界从 山从 原从 水从 沙从 五泉从 大路从 渡口从 縣城从 局从



山西蒲州府永濟縣界

舊大慶關局

華陰界

南

北

渭水

浴水

大荔界

澄城界

金水溝

黃河

界陽邠

山陽紫

山慶鐵

雙泉鎮局

四池鹽

伯士鎮局

池子麻

池白大

華林鎮局

東白池

兩女鎮兩宜局

大夫村永定局

安仁鎮局

縣城局

新市鎮局

安良局

望仙樓局

三河口

牛局

牛局

鏡益局

永清局

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

朝邑縣鄉土志目錄

沿革表

政績錄

兵事錄

耆舊錄

人類

戶口

氏族

宗教

實業

地理

山

一

六

一〇

一三

三二

三一

三一

三三

三三

三四

三六

目錄

燕京大學圖書館

水

三七

道路

三九

物產

三九

商務

三九

朝邑縣鄉土志

在昔芮國今之鄉土
謹記舊聞從新述古

歷史

考經史並羣志書互
有同異只可互采

朝邑縣唐大歷三年置

朝邑之名雖創自西魏然
唐初屢變故斷以是年

沿革表

朝代

統部

本縣

未置朝邑縣以前

唐虞

雍州

舜典肇十有二州禹
傳中古但為九州其
堯時沿水作貢亦因
舊舜始分爲十二州
文獻通考顯帝創制
九州御批通鑑因之

<p>春秋 襄 七年王</p>	<p>周</p>	<p>商</p>	<p>夏</p>	
<p>秦 秦穆公滅芮</p>	<p>秦 地東至河 吾獻其河西地是時秦 史記秦歸晉侯夷吾夷</p>	<p>王 畿 詩桑柔序芮伯刺厲王 孔穎達曰是畿內諸 侯為王卿士也</p>	<p>雍 州 商頌奄有九有式于九 圍孔穎達曰爾雅九 州之名與周禮禹貢皆 不同疑是殷制</p>	<p>雍 州 禹貢黑水西河惟雍州 愚按韓邦靖朝邑志 作冀州恐據晉獻河西 地於秦然亦安知非晉 之先吞秦耶即原晉地 疑仍屬雍州</p>
<p>王 城 縣王秦秦春秋左傳晉陰飴甥會 城地馮翊臨晉縣東有</p>	<p>芮 伯 國 欽定春秋彙纂今同州 朝邑縣有芮故城在黃 河西岸 又史記晉穆侯七年伐 條長安志條近朝邑</p>	<p>芮 國 韓志云殷周時為芮國 路史在朝邑西南</p>		

<p>秦</p> <p>始 二十六年 皇</p>	<p>顯 三十九年 王</p>	<p>安 十七年 王</p>	<p>戰國</p> <p>威 烈王 十七年</p>	<p>貞 定王 八年</p>	<p>定 十三年 王</p>
<p>內史郡</p> <p>以臨晉懷德屬</p>	<p>秦</p> <p>魏入河西地於秦 御批鑑作廿九年史</p>	<p>魏</p> <p>出子獻公之亂晉復奪 河西地三家分晉屬魏 御批通鑑</p>			<p>秦</p> <p>左傳秦桓公伐晉次於 輔氏覺寡今朝邑縣 西北十三里有輔氏城 村愚按城在今小伏坡</p>
<p>臨晉</p> <p>今大荔朝邑兩縣地 括地志云懷德故城在 今朝邑縣西南四十三 里</p>	<p>臨晉</p>		<p>臨晉元里</p> <p>魏文侯伐秦築臨晉元 里史記</p>	<p>臨晉</p> <p>史記秦厲公伐大荔 戎取其王城築高壘以 臨晉國故名愚按與 春秋傳不同</p>	

<p>東漢 光武 建武元年</p>	<p>新莽</p>	<p>武元六年 建元六年</p>	<p>七年</p>	<p>二年</p>	<p>漢 高元帝</p>	
<p>左馮翊 左馮翊 詔分馮翊以東西數縣為 本郡治臨晉魏略</p>	<p>左馮翊 關中復置雍州後罷復 置司隸晉地志</p>	<p>左馮翊 改內史地志</p>	<p>左內史 分內史地志</p>	<p>內史 改二郡復內史地志</p>	<p>河上郡 分秦內史為渭南河上 二郡河上屬者九縣有 臨晉懷德地志</p>	<p>塞國 初項羽滅秦封司馬欣 為塞王地屬塞國漢 地志</p>
<p></p>	<p>臨晉</p>	<p>監晉 改臨晉</p>	<p></p>	<p></p>	<p>臨晉 有芮鄉漢書地理志 南芮鄉北芮鄉三十里有 志</p>	<p></p>

魏	晉 武帝	東晉 元大興二年帝	後孝 秦武	北魏 太武帝神龜三年 真君元年
馮翊郡 <small>復置雍州 補三國疆域志</small>	馮翊郡 <small>雍州 晉地志</small>	馮翊郡 <small>十六國疆域志</small>		馮翊郡 <small>雍州 地形志</small>
臨晉	臨晉 <small>改臨晉 元和郡縣志</small>	大荔 <small>朱廷模勅邑志云於晉時為武鄉故杜預釋例云馮翊臨晉東王城今名武鄉城</small>	武鄉 <small>改大荔 十六國疆域志</small>	華山郡 <small>寰宇記</small>
臨晉	臨晉	大荔	臨晉	臨晉

<p>七年</p> <p>孝文帝太和三年</p> <p>澄城郡</p> <p>地形志</p> <p>分澄城郡置白水郡</p>	<p>十年</p> <p>廢馮翊置華州治李潤堡領華山澄城白水三郡</p>	<p>十一年</p> <p>孝明帝孝昌二年</p> <p>改華州為東雍州</p>	<p>西魏</p> <p>恭帝三年</p> <p>改華州為同州</p> <p>地志</p> <p>同州領武鄉澄城二郡</p>	<p>澄城郡</p> <p>領澄城朝邑五泉三縣</p>	<p>廢三年</p> <p>帝</p>
<p>五泉</p>	<p>華陰</p> <p>改臨晉</p> <p>寰宇記</p>	<p>南五泉</p> <p>改華陰分五泉縣地置</p> <p>此地形志</p>	<p>朝邑</p> <p>改南五泉置</p>	<p>改為武鄉縣尋廢</p> <p>兆龍志</p> <p>王</p>	

表

四

燕京大學圖書館

唐				隋		
天寶元年 宗	貞觀元年 宗	三年	高祖 武德元年	煬帝 太業初	三年	高祖 開皇元年
馮翊郡 改同州 地志	同州	同州	同州 廢馮翊郡復置此領馮翊朝邑韓城郃陽白水澄城下邳七縣	馮翊郡 廢同州復置此 隋地志	同州 廢武鄉澄城白水三郡以武鄉郃陽夏陽朝邑澄城蒲城白水下邳八縣隸同州	澄城郡 仍隸同州仍領三縣
	朝邑 省河濱 地志	河濱 析朝邑郃陽兩縣地置 唐書地理志	朝邑	朝邑	朝邑	朝邑

						既置朝邑縣以後	
						乾元元年	三年
元	金	宋	五代			蕭宗	同
世祖	熙宗	太祖		代宗		乾元元年	同
中統三年	天眷三年			大曆三年		三年	州
十六年							改馮翊郡
同	同	同	同	同	同		地志
州	州	州	州	州	州		
改京兆為安西路	立陝西行省治京兆	隸陝西京兆路	隸永興鎮領馮翊郡				
元		金史					
地志	元史地理志	地理志	宋史地理志				
朝	朝	朝	朝	朝	朝	河	
邑	邑	邑	邑	邑	邑	西	
			隸馮翊郡		改河西	志通	
					地志	朝邑隸河中府	
						武德三年	
						置隸同州	



<p>國朝 雍正三年</p>	<p>同州</p>	<p>同州</p>	<p>同州</p>	<p>同州</p>
<p>十三年</p>	<p>同州 直隸陝西布政司</p>	<p>同州 改陝西行省為陝西承 宣布政使司</p>	<p>同州 改奉元路為西安府 明史地理志</p>	<p>同州 改安西為奉元路 元地志</p>
<p>朝邑</p>	<p>朝邑</p>	<p>朝邑</p>	<p>朝邑</p>	<p>朝邑</p>

政績錄

晉

歐陽建字堅石渤海人爲政剛果甚有時譽人爲之諺曰渤海赫赫歐陽堅石其真操如此

唐

劉幽求武彊人武后聖歷中舉制科中第後授朝邑尉神龍元年張柬之等舉兵討武氏之亂而武三思復爲司空幽求謂桓彥範敬暉曰三思尙存公等終無葬地若不早圖噉臍何及不從三思卒復亂唐殺五王景龍元年佐明皇討斬韋后等立睿宗遂以幽求參知機務睿宗將立太子疑不能決幽求曰除天下之禍者當享天下之福平王拯社稷之危救君親之難論功莫大語德最賢無可疑者上從之郭元振坐法幽求力救其死卒爲名臣世傳幽求墓在洿谷未之詳也

宋

鄭詒字正臣德安人仁宗時爲朝邑令會兵事起民力不堪詒按簿書裁度調劑

docsriver 文川网
入驻商家 古籍书城

在文川网搜索古籍书城 获取更多电子书

以均賦役而民得不困

陳堯佐字希元閬中人知朝邑有善政旋被誣徙去

元

吳珪字玉甫宜陽人至正十六年任朝邑尹廉正愛民在官九年德惠普施與民相安遂占籍邑之平羅村後遷南鹵村家焉

明

劉道立字成己杞縣人以進士成化十九年任朝邑故志稱爲政剛果立心平恕除弊興利民無不悅父老言道立十九歲在任凡九年始終一節後徵爲御史歷

陝西按察司僉事

蘇槃字德新南陽人以舉人宏治六年至任居九年志稱廉謹不擾諸凡善政多所可紀庶幾良吏厚遇學子月給燈油資夜誦每漏下偕門童步學舍稽勤惰近所未有也

魏傑夏縣人以舉人正德五年至任志稱取與廉潔行縣不攜里長以市餅自給

渴則飲於途

許陳謨吳縣人以舉人正德九年至任單騎而來見事風生片言決獄號爲良吏
王道字純甫陵川人以舉人正德十六年至任善緝盜因太陽諸里田圯於河白
中丞公議從輕額許其折布又朝邑爲孔道不任供送建白得以郃陽澄城夫馬
協濟

郃相字立之澤州人以舉人嘉靖三年至任爲人廉謹自持事事有條愛民如子
爲百姓調停不傷財不害民延名師教督諸生革除一切弊政尤不宿獄訟曲直
立判上官數游揚以勵鄰封爲御史高翔特建表忠祠又爲劉烈女建祠其知大
體類如此

歐思誠字純甫薊州人以進士嘉靖十年至任才堪治劇下車法兩豪強故其稱
曰西擒高漢東縛趙都風采凜然而害民者息焉

郭三仁字商賢蒲州人以舉人嘉靖十三年至任道士華道益以灘田投獻王府
委高同知行勘三仁疾其侵牟百姓且長投獻風密屬衆庶大譟而前肩同知與

將沈之河三仁佯怒而解之比事竟田予百姓三仁之力也初二仁以接壤不受私謁里人服其至公河中疾其太執執持信難矣哉

劉尙義字伯正汾州人進士以御史嘉靖二十年謫任爲人簡淡純樸居官以靜治又執持不撓以縣城狹小於是拓東城四門起麗譙人享其利官至河南副使任希祖字元孝蒼溪人進士以嘉靖二十四年至任爲人慈祥愷悌革除弊政有節用愛人之風厚遇博士弟子員月爲程督多所造就又建白豕鎮堡至今爲世利政平訟理郅相之後一人而已初里人以過柔少之君子謂其嚴不立威寬不縱弛希祖有焉

畢仕和石首人以舉人三十一年至任潛心理學專務以德化民訟者聽其和解不肯剖決稍決一事款款動人又零而即雨屢零輒效其誠一如此後轉調去實不持一錢蓋長者也

郭實字華伯高邑人進士爲人方嚴精敏以萬歷十一年至任發姦摘伏煥若神明大猾斂迹節里甲緩催科農民欣欣如也邑學舊無泮於是始作又修黌宮廣

社學擇師以教子弟蒲人侵地千頃渡河釐正蒲人譟呼而至不爲動卒正其界縣以東沙積如堂阜遇風旋而蔽天幾不可田資口食令人覆沙漸成沃壤丁亥歲凶盜將起令行禁止一境肅然並祀程編修濟於高御史表忠祠更名雙忠增祀李張二烈女於劉烈女祠更名三烈刻邑紳王學謀所纂邑志至今考文獻者徵焉任六年擢御史去邑之人如失慈母云

趙炳字虛白北直隆平人進士性寬平不尙威稜然事有害於民者爭之上官必得乃已往直指按同州供億派於五縣韓郃澄白直指不臨其境邑獨供之已重於州而又使貼州炳曰朝有役同無與今同苦而使朝肩之可乎力陳其不便遂罷之又議罷條鞭一事條鞭者變一切里役諸法而盡以銀征其弊利官而病民炳詳爲議上之獨不奉行民受其庇後條鞭法苛大爲民害人益服其遠識矣謝如尙湖廣耒陽人舉人繼趙隆平之後酌其寬而濟之以嚴懲姦護良邑境清肅有宦使者督織造於秦括取民膏檄下朝邑絲商若干家充行邑故寡絲貿自吳蜀苟順其意數十家破產不止也如尙身櫻其怒抗而不應又上官欲陷故保

定通判某以屬如尙如尙曰殺人媚人壯夫不爲竟以忤上官意擠之罷去論者恤之然有愛在民久而彌思與郭趙二公同祠焉

羅任字幼衡光山人舉人機警精吏治能立解紛拏而端正潔白積穀罰鍰不以奇贏自私摘伏如神剔蠹無少貸邑之稱神君者必以羅公爲首他日量移知耀州州有顯者修府第役民民苦且怨任野服荷畚鍤往役顯者謝罪役乃寢其挫強恤民皆此類也王方伯于陞作去思碑謂其廉仁智斷勤信有六善云

楊紹震字景廉山東東明人萬歷癸丑進士爲政卓然不苟從來縣轄於州州人恃強凌虐縣人紹震因民弗忍請於上官求直隸府事雖不果行而州禍從此息矣

王時英山西垣曲人以解首舉進士恤下傲上岸然自負而才足濟之侃侃而談旁若無人人無不改容禮重訟牒繁多應時立決雖急遽中動作從容聲譽大起調繁知長安迓者戲謂邑人曰公幸值下邑故能立名若到長安恐故步或失也及至則風裁卓卓加厲於朝論者以爲柔不如而剛不吐惟公不愧自萬歷末迄

今民間道好官猶稱王解元云

王喬棟字北愚雄縣人以進士天啓六年至任恂恂書生也善談名理慈祥愷悌時事棘民窮不忍於催科又雅不習趨承上官遂謝病去民遮留不得泣送載道鐫石以志遺愛後起復歷任至湖廣督糧參政遇難不屈而死

國朝

楊閔泰山東人順治時至任值兵興後民氣未蘇以簡靜廉愛與民休息督吏甚嚴皆悚然股栗畏服

羅人琮字紫蘿湖廣桃源人順治辛丑進士以寧波府推官改令朝邑康熙七年至任慈惠端雅念民疾苦力革宿弊時郵馬久爲民害詳請入廠官養巡檢弓兵十二名隸潼關衛工食私派朝邑久沿爲例又請永革河衝荒地千餘頃糧額銀三千七百餘兩詳題蠲免皆得如請歲省民財不貲民呼青天甲寅滇黔逆變羽檄旁午處置有方民不至大困制府白公亟獎其廉幹公餘課士所賞識者多登賢書詩歌古文聲馳當時與邑薦紳李河濱王松園劉三峯倡酬爲多邑人謂德

政文章我邑賢令推公第一內擢貴州道御史

陳昌言字禹欽山陰人例監康熙十九年至任在任十年修舉廢墜學宮察院城隍及村鎮社學皆次第營構邑有大事則集衆詳議而後行故一切不至病民稍遷信陽州牧以去

王兆鼇字東柱雲南甯州人康熙庚午亞魁四十三年由學正陞任廉明剛毅才優治劇纂修邑志加論跋初邑中差糧任里役催納沿弊滋多民力難支兆鼇創立三運擇鄉之公正者領之又令各運頭於每里舉里長一人經手完納諸弊盡息民受其澤後陞調河州知州去任時攀轅遮道至千餘人

永佑滿洲人慈仁簡靜愛民如子緩催科禮賢士凡有訟至必先令歸使其私爲解和如是者再乃爲聽斷誠心勸諭愷切指陳兩造帖服多自追悔以故胥吏蕭寂政簡刑清又邑有倉糧按年填換民甚苦之佑竟十年未嘗開倉不以領納苦民民爲肖像祀之卒於官樞歸鄉民泣送者如喪父母至今猶呼永青天焉
謝長清滇南人以進士道光七年至任廉能精敏勤政愛民甫下車剔革積弊緩

徵慎刑尤勤聽斷嘗潛出訪民間匪徒鼠竊者悉斂迹逃匿創修城內義學龍神祠並養濟院捐俸千餘金更嚴於課士誠心訓迪不循故套士林奮興文風爲之丕振任朝邑兩次去之日邑人攀轅遮道無不感戴深恩焉

黃照臨字碧川湖南人舉人同治十三年至任廉潔勤敏政稍暇即潛至鄉區視民疾苦創立友仁書院延名師教諸生常躬親訓迪成就頗多聽斷明決兩造甫至即爲理問有可原必曲原之有可釋必速釋之未嘗拖累病民民不稱冤以常平倉地卑溼麥易紅朽按年出換買補攤費民怨其苦照臨即時稟請以麥易穀籌定章程永免填倉外費閭閻至今頌揚不輟口

黃鶚字石臣湖南安化人以舉人光緒二年至任廉正清潔省刑罰緩催科尤重儒紳有要事必集衆詳議而後行丁丑歲大饑急爲籌賑救活生靈旋以邑內荒地數千畝稟請上憲暫免差糧又黃河在邑境西徙已久嘉道後衝塌彌甚征賦如額民苦無可籲告歷五十載前任黃照臨擬請豁免錢糧事未竟調去鶚初下車力請豁免額糧銀六百餘兩實惠均沾故任朝邑兩次邑民深感戴焉

兵事錄

夏

后啓征西河 竹書 路史夏有西河國 按西河國即縣境

周

桓王十二年秋秦師侵芮敗焉小之也 冬王師秦師圍魏執芮伯以歸 春秋左

傳

十八年秋秦人納芮伯萬於魏 左傳

惠王十七年春虢公敗犬戎於渭汭 左傳 水道提綱渭入河處即古渭汭也

襄王七年晉陰飴甥會秦伯盟於王城 左傳 秦歸晉侯夷吾夷吾獻其河西地是

時秦地東至河 史記

十六年晉侯潛會秦伯於王城秦伯誘瑕甥卻芮而殺之送衛於晉三千人 實紀

綱之僕 左傳

十七年秦伯師於河上將納王 左傳 按河上即縣境

定王十三年秦桓公伐晉次於輔氏晉魏顆敗秦師於輔氏獲杜回 左傳 按今小

伏坡村輔氏城旁又有交章村即老人結草處

簡王六年秦晉將會於令狐秦伯不肯涉河次於王城使史顛盟晉侯於河東晉

卻鞏盟秦伯於河西 左傳

貞定王八年秦厲恭公伐大荔戎取其王城築高壘以臨晉國更名臨晉 史記

威烈王十七年魏文侯伐秦又築臨晉元里 史記

赧王二年魏秦會於臨晉 史記

十三年秦及魏韓會於臨晉

漢

高帝元年還定三秦賜周勃食邑懷德 本傳 按懷德在縣境

二年三月自臨晉渡河降魏王豹 本紀 八月韓信益爲疑兵陳船欲渡臨晉而伏

兵從夏陽以木罌缶渡軍 本傳

獻帝十六年馬超屯潼關曹公勅諸將關西兵精銳强悍勿與戰而潛遣徐晃朱

靈夜渡蒲坂津據河西為營 魏志

晉

哀帝興寧二年苻堅自臨晉登龍門觀晉魏顥結草抗秦師處 前秦錄

孝武帝太元十五年臨晉縣數千戶叛應姚懿姚紹濟自蒲津擊叛戶大破之 晉

載記

西魏

文帝大統三年東魏寇龍門屯蒲坂造三浮橋渡河 文帝紀 按蒲坂之浮橋在縣

境十月周太祖大破齊神武軍於沙苑渭曲斬首六千餘級降者二萬餘人神武

夜遁追至河上復大克獲 周書文帝紀 按沙苑與河皆在縣境

六年二月柔然入寇詔諸軍屯沙苑以備之 北史

東魏

天平四年高歡將兵二十萬趨蒲津復引兵自蒲津濟河涉洛軍於許原西 御批

通鑑

北齊

天統中齊將彭樂與宇文護戰沙苑樂飲酒乘醉深入被刺腸出內之不盡截去
復護入戰兵遂敗 本傳

北周

武帝保定四年十月帝幸沙苑勞師 本紀

隋

煬帝十三年唐遣陳演壽史大奈率步騎六千人趨梁山擊賊孫華等破之留成

永豐倉 唐書本傳 按永豐倉在縣境 九月戊午華陰令李孝嘗以永豐倉來降庚申

高祖率軍濟河舍於長春宮三秦士庶至者日以千數丙寅遣隴西公建成司馬

劉文靜屯永豐倉 本傳

唐

高祖南過永豐倉是夜宿於臨晉洛渭合流之處渡於洛水上流苦於水淺船行
不進其夜三更天甚晴霽忽然覺水暴長數尺逆流而上船泛深波得達津次乃

docsriver 文川网
入驻商家 古籍书城

在文川网搜索古籍书城 获取更多电子书

命所司祀洛渭並有事於華山

大唐創業起居注

按洛渭合流處在縣境

武德十二年二月帝如長春宮獵於河濱免朝邑今歲租賦

本紀

肅宗至德二年二月甲辰郭子儀及安慶緒戰於永豐倉敗之

本紀賊安守忠壁

永豐倉子儀遣子盱與戰殺至萬級盱死於陣進收倉於是關陝道始通

本傳

德宗興元元年八月上命渾瑊駱元光討李懷光懷光遣其將徐庭光以精兵六

千軍於長春宮以拒之

通鑑

貞元元年馬燧渾瑊破李懷光於長春宮南遂掘塹圍宮城懷光諸將來降

八

月賊將徐庭光守長春宮

本傳

梁

太祖開平三年四月車駕巡於朝邑

冊府元龜

末帝貞明元年梁遣劉鄩攻同州晉遣李存審救之屯軍於朝邑

五代史

本傳

明

嘉靖三十二年北兵深入潼關兵使者張瀚移兵駐縣三月北兵去